



**PIGINNAATITSISSUT
PIKIALASORSUAQ COMMISSION**

Naggueqatigiit Inuit Pikialasorsuaq Commissioni pilersippaat tamaani nunarsuup immikkoortuani Inuit paaseqatigalugit siunissamut takorluukkat inassutillu naammassiniarlugit. Pikialasorsuaq Nunarsuup Affaani Avannarlermi imarnersat annerpaartaraat Qaasuitsullu Killeqarfiata avannaani uumassusilinnik pinngorarfiulluni anginerpaaq. Inuit Canadap Kangimut Avannaanik Kalaallit Nunaatalu Kitaata Avannaanillu atuinerannut najugaqarnerannullu Pikialasorsuaq tunngaviulluinnarpoq tamaanilu immami uumassusillit amerlalluinnarnerannut tapertaalluinnarluni. Nunarsuup immikkoortua tamanna inunnit avannarpasinnerpaajusunit najugaqarfiuvoq ukiuni tusintilikkaani.

Kommissioni Kalaallit Nunaanni Nunavummilu inoqarfinnut Pikialasorsuarmut attuumassuteqarnerpaanut tusarniaanermik suliaqassaaq. Nunarsuup immikkoortuani tamaani najugaqartut toqqartumik peqaanissaat siunerataralugu tusarniaanerit aqqissuunneqassapput nunap inoqqaavisa tamaanilu ilisimasat ilanngunneqarnissaat aqutissiuullugu.

Pikialasorsuup eqqaani Inuit ataavartumik atuinerat najugaqarnerallu ingerlaavartuarnissaa takorloorlugu, Kommissionip paasisani inassutinilu pillugit piffissarititaasoq eqqorlugu nalunaarusiani naammassiniarpaa. Annertunerusumik misissuinissanik Kommissioni inassuteqarsinnaavoq.